

特約撰述 香港新界風土名勝大觀

八 江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

錦田與新田爲新界兩大古鄉，而錦田尤古，今日錦田鄧氏族人幾遍新界，若元朗、屏山、厦村、龍躍山、大埔等處，皆有鄧氏家族，其子孫之繁衍及先世落籍之情形，在新界居民進中，具有莫大之關係，進而東莞、中山及廣西藤縣，亦有其遺裔，合計逾萬人，非惟新界之望族，抑亦我粵之望族也，今錦田鄉鄧氏爲最先電後數典不忘祖計，乃編有一南

陽鄧氏族譜附家譜源流系攷一書，董編畢者爲該族元禧二十二傳孫雁田房鄧步雲月梯氏，鄧且爲之序，其署名冠以官銜甚長，爲清誥武功將軍，賞戴花翎，儘先遊府，庚子統領，長洲中後路卅八砲台要塞司令官，民國五等嘉禾章，江浦行營主任，庚申調署東莞縣知事，該書對於鄧氏世系之溯源極詳，惜付梓不多，世人知者鮮，著者嘗履錦田，得閱是書，並訪

其先祖塋墓，歷一週，低徊久之，因述其先世落籍之情形及世系如次，攷鄧氏之先世，原居江西吉安府吉水縣白沙里，據鄧氏族譜載，其太始祖鄧曼字德陽，始自軒轅黃帝二十六代孫也，商朝成丁皇帝之少子，殷武丁之季父也，武丁丁巳即位，封季父曼爲新侯，食邑於河北鄧國，世襲侯，妣辛夫人，至九十二世宣祖之子漢徽，宋初服官承務郎，是爲錦田鄧族一世祖，宣祖乃漢高帝侯鄧仲華之四十六代孫，宋初官常德府

知府，淑人江氏生漢徽，至四世祖符協，自南雄解州歸，携一二三世祖骸遷學安葬，以漢徽爲開學始祖，今葬橫洲附近之程坑山，地名玉女拜堂，二世祖學冠，葬元朗英龍園附近之小邱，土名元朗山，地名金鐘覆火，三世祖旭，葬荃灣曹公潭，在柴灣角，地名慈地，四世祖符(字符協)，葬橫洲，地名仙人大座，鄧符墓亦見於新安志也，至於宋封院郡馬鄧自明則葬四頭佛山嶺，地名狐狸過水，(未完)

特約撰述

香港新界風土名勝大觀

十九

江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

其四世祖符協，既換一二三世祖之骸自江西來，實最先落籍於錦田者矣。攷符協史畧，見於鄧氏族譜云，「公諱符，字符協，原配廖氏，庶室胡氏，登崇熙乙酉進士，授陽春令，權南雄倅，宋制府稱軍，軍知事之外，有通判，有郡倅名號，（故人按，倅即武佐官），解任拓宅於寶安桂角山下，饒力瀛瀾，聚朋講學，置書田書舍，以資遠方來學之士，

南海霍曉爲之記，邑人寶安翁炳百味書廣及之，詳見東新二邑誌，惟欲知符協什何時始卜居錦田者，可由其登進士之年而推測之，據族譜所稱，前錄各異，一曰雍熙二年乙酉進士，一曰崇熙乙酉進士，明成化八年十一月，十七世孫鄧廷禎序該族譜則云，「先祖符協，雍熙間進士，授承務郎，權南雄，買田築室於桂角山之錦田，占籍居焉，元明金鐘覆火

之二世祖募碑則於封君孫符之註鄉刻「宋崇寧進士，官陽春縣令」，錦田吉慶園門右重置連環扣鐵門碑記則云，「溯我鄧族符協祖，自宋崇寧間，由江右宦游到粵，卜居是鄉之南北兩園，後因子孫繁衍，於明成化時，分居吉慶園，泰康園，致崇寧爲宋徽宗年號，若崇寧二年即民國紀元前八百零九年，雍熙則爲宋太宗年號，雍熙二年即民國紀元前九百二十年，崇熙或爲淳熙之誤，蓋宋帝年號無崇熙也，淳熙二年則爲民國紀元前七百三

十七年矣，由此觀之，若雍熙二年成進士，至崇寧年間始來錦田，則相去已百餘年矣，符協雖有此大年，亦無此久居之官，至淳熙則後於崇寧七十餘年，則前後創置，於理不符，若於崇寧二年成進士，旋授陽春縣令，又於崇寧間宦游到粵，惟徽宗年號崇寧者僅五年，其後改大觀，政和，重和，宣和，則居錦田時當在民國紀元前八百零六年至八百零九年之間矣，荷鄧氏任職久，始解組來居，則錦田鄉居之歷史，至今亦有八百餘年矣，（未完）

特約撰述 香港新界風土名勝大觀 一九江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

今厦村鄧氏宗祠內乾隆十六年所立之一鼎建贊惠二公初配享碑、一對於該族之祠源、與族譜所載者、兩相發明、有云、一今奉始祖承務郎漢公、迺江西吉安府吉水縣白沙里人、娶安人秦氏、生一子粵冠、冠生旭、旭生符、字符協、登宋進士、宰士入粵、任陽春令、致仕居隱、遊覽新邑、樂廣土風俗之淳、山水之勝、卜居桂角之岑田、即今錦田鄉、築室瀛堤、聚朋講學、擇地

安塋、創鳳桂角書田之業、致如此、阮通志云、一掛角山一名桂角、在縣東南四十里、山多冠柱、兩峯對峙、其形如角、故名、牛潭山、又名龍潭、有雲即雨、上有仙女梳妝石、宋鄧符樂力行書院、講學其下、今基址猶存、按力行書院、族譜稱力瀛齋、想即指此、則錦田鄉人實為書香世家也、致清嘉慶三年孟冬重修之東莞縣志、在「選舉」一節、有按語云、

一翟顯、翟卷石、翟景先、通志列名進士、舊邑志既收、紫石於人物傳、而於選舉則並刪三人、又增入鄧符玉芳、所以志慎、又增入鄧符玉芳、桂、自註符外郡人、登科後始來居桂角、芳桂與化人、流寓於此、此亦可見當時鄧登進士後、致仕歸隱、始居錦田、其所以見於東莞志者、蓋宋之新安、為東莞郡地也、鄧氏既卜居錦田、以風水關係、塋墓散處、且遠航至荃灣葬其父於曹公潭之巖地、想鄧氏居錦田必久矣、其後鄧生二子、長曰陽、次曰布、陽生珪、珪生元

瑛、元禧、布生瑞、瑞生元禎、元亮、元和、復由此五人、分房而居、計分五大房、大排長房元瑛、分支東莞竹園、南街、鯉魚石、二房元禎、分支東莞、白石、白蠟、白岡、新安屏山、塘尾、三房元亮、分支東莞石井、新安凹、錦山、萊洞、大埔、龍躍頭、竹村、北灶、龍塘、文村莊、四房元和、分支懷德、十三鄉、中山、北山、緩岡、獨樹、五房元禧、分支東莞、福隆、塘貝、雁田、廣西藤縣、至於鄧符長子陽、早由岑田遷東莞福裕里矣、

(未完)

特約 撰述 香港新界風土名勝大觀 二 九 江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

金鐘覆火墓地去元朗墟不遠，其隣有英龍園、黃屋、大園等村，墓碑題曰宋貢元二世祖考鄧冠公妣安人翁氏之墓，為康熙五十一年歲次壬辰十二月十七日丙寅五

水之勝、自宋迄明五百餘年，墓貌常新，有隆弗替，因錦田房姪鄧麟等、各將父母陪葬公墓左右三穴，以致公無事墳、碑石不立、今將修祠，刻銀器附墓祀產、因搜麟姪等所刊公墓碑內、稱麟等快觀公塋、圖厚公祀、愿出田陪葬、永克祭產、有舊批現存孫秩家收執、壯等於祠祭之日、合為撰吉重修立石、以妥先靈、以昌厥後、

山嶺等、皆歷歷在目、其左為明十四世祖鄧心泉及兩孺人之墓、咸豐二年歲次壬子所立石、奉祀者為二十世至二十五世孫等數十人、墓誌云、一公諱繼宋、字紹殷、號心泉、迺山泉公之長子、錦田始祖洪儀公之五世孫、宋郡馬自明公十三世祖也、生嘉靖辛巳年七月二十七

柏、號味閣、季諱夢吉、號履元、公與孺人原上葬於金鐘覆火地、二相左旁、向兼悉依祖墓、作卯乙向者、原明師所定之、因重修照舊定向、其封塋、丈尺、斗口、皆有準式、特叙公世、為牛終生向、勒石以永垂不朽、云爾、銘曰、吉人范夢、神安福祿、川嶺秀、發峙迥、公之德、厚、澤裕溥長、譽公之德、登公之堂、允稱勝概、結構、異常、龍綿島、榮煥土光、賢、圖彰炳、德澤流芳、地靈人傑、奉祀無疆、賜二田賜進士侯補知縣、年家姻晚生江壬元頓首拜銘、(未完)

潭山、觀音山、大帽山、佛、寫前正對凹頭楊花山、牛、

長諱夢賢、字翹立、仲諱夢

特約 香港新界風土名勝大觀

三 九 江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

宋封稅院郡馬鄧自明之墓，在凹頭佛凹嶺，嶺高百餘尺，周圍不甚廣，山勢起伏，形如狐狸，且瀕南海灣，術家因其名曰狐狸過水，側爲元朗直通上水之馬路，自凹頭茶亭沿此路向上永行，不五分鐘，左望斜坡，青葱照人，土名狐狸爪，由此登山，僅數十武，即見墓地，此處適臨山之大麓，遙隔錦田鄉一帶，萬綠叢中，屋瓦鱗鱗，曲流掩映，風光如醉，墓碑題一宋封稅院郡馬

自明鄧公之墓，一、民國二十一年歲次壬申臘月奉祀裔勳臣慶堂董琴沃周等重修立石，鄧勳臣爲大埔鄉紳，鄧慶堂居厦村，頗負時譽，大埔厦村兩處鄧姓同郡馬之嫡系也，其墓誌云：「祖諱惟汲，字自明，號吉山，乃元亮公之子，尙高宗原封康王，故莞誌載：姬、宋康王女，遭亂播遷，鄧銑勳王有功，以配其子，時宋亂未平，公與姬隱於錦田庄舍，至紹熙年間，公已歿，皇姬命長子

林持手書上光宗，封稅院郡馬，賜祭田十頃，莞之山場餉渡並賜焉，後皇姑有渡送資福寺，今資福寺供奉祿位如故，祖妣趙氏稱皇姑稱姬，不稱公主，蓋光宗所命而言也，公葬于錦田村面前佛凹嶺，卯申向，狐狸過水之形，皇姑趙氏葬於東莞石井獅子潭，梓、坤申向，生四子林、杞、槐、梓，今厦村鄧氏宗祠內之贊惠二公碑亦有云：「是以按支尋派，從分房初祖承直郎元亮公，值宋高宗南渡時，國步多艱，公任職口，勸王詔下，提公入衛，遇宋幼姬，與兵質厓中，奉

之以歸，子其子，自明公得尙皇帝幼姬趙氏，一尙者娶也，宋高宗皇帝之女，光宗皇帝之姑，受封稅院郡馬，遷居莞城，爲世俗，明生第四子，諱梓，宋室帝甥，梓生榮叟，榮生辛翁，翁生壽祖，宋元革造，生孫，官拜提領忠武校尉，復居錦田，生三子處安、敬安、處安生康仁，仁生洪生洪恩，敬安生德荷，荷生洪儀洪寶，分派四房，而洪生公，分居莞邑香山小攬等處，此郡馬遺裔繁衍之大概也，(未完)

特約撰述

香港新界風土名勝大觀

四九

江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

三世祖曰旭，葬於荃灣。地、疊地一小邱耳，高不及百尺，形若覆鉢，又如口蚌。故有稱之爲蚌山者。邱林水疎落，野草離離，間有波羅田，南臨柴灣角，青山道繚其側，北接上山山下花山遠處來脈，形勢雄活，堪輿家之所謂來龍結穴，衆於此者也。墓在山腰，地勢稍平，野草蔓延，自山麓不能望之，其東南與香島遙遙相對。

左有半島如手，三百錢村在焉，右亘青衣山，勢迤邐如抱，中留一線，雲山碧海間，香島如案然，墓之左右稍遠，各豎石柱一，高二尺，相去數十丈，俗稱華表，墓碑殘剝，不能盡辨，僅認道光二十九年十二月某日，香港東莞新安五房子孫同立字樣，想乃重修時所立石者，墓地坐壬向丙，風鑑師白玉蟾遺識誌其墓之勝云，一

長伸左手接星羅，右攬青衣，瀾碧波，夜靜一潭星宿見，裡暗容得萬船過，有人下得朝陽穴，十三年內即登科，君是世人尋不得，回頭轉問釣魚哥，一句難不若黃柳川跋青山韓退之碑後之雅，亦甚趣者也，相傳該墓地爲百粵五大名風水地之一，即西之絲線吊金鐘亦不及其形勝，相傳清季鄧氏族人，科名頗盛，後以與某鄉械鬥，故某鄉人恨之，敗其山脈，今柴灣角海濱之沙條亦以中斷，遂不若前時之盛云，是說土人談之娓娓，毋亦鄉間

間之神話耳，然在昔我國鄉人，最信風水，耗巨金，費時日，危性命，排萬難，以延風鑑師，挾羅盤之屬，走名山大川，以擇牛眠吉穴，妥其先靈，昌其後代，其情形之熱烈，於今仍弗稍替，新界鄉人亦不能例外者也，如屏山之古塔，所以塞水口而擋山勢者也，米埔之侯王廟，亦所以鎮壓后海灣之水勢者也，凡此鄉人皆鑒言之，茲所述南陽鄧氏先人之墓地，咸譽佳城而下穴者，衆地不過其著焉耳，其在明清之世，科名雖不甚盛，亦有可述者也，(未完)

特約撰述

香港新界風土名勝大觀

五九 江山故人

(禁止轉載)

第二章 居民之來源及其演進

(一) 錦田鄉南陽鄧氏之世系

是以新界錦田、厦村、屏山、英龍園、大地、龍躍頭等處，凡有南陽鄧氏子孫所居者，必於其宗祠或園門遍懸牌匾，以誌其族之科名或官階，所以節勵其後進者也。如元明英龍園，居者爲厦村鄧氏支族，園門之內，懸「歲魁」一匾於右，上款署欽命廣東提學使司提學使沈會相爲，下款署宣統二年庚戌一名歲貢生鄧翹立，而厦村園之門則懸「同治辛未點科欽翰林院庶吉士臣鄧蓉鏡恭承」之匾，鄧蓉鏡者，字蓮裳，世居東莞，以廷試

散館授翰林院編修，官至江西糧道，署理按察使，我粵名金石家鄧爾雅之封翁也，今懸其所題匾，想鄧太史亦爲錦田鄉東莞支派之遠裔也。厦村鄧氏宗祠，有封建遺蹟甚夥，若亞魁、花翎侍衛、欽賜銳勇巴圖魯、旨賞換花翎等匾額，東懸西掛，滿目琳琅，高脚牌尤多，曰江南匯營部副府，曰候選儒學、曰江西都縣正堂，曰宋封安國公，曰宋封四國舍，曰壬子科舉人，曰庚子科副魁，曰辛酉科亞魁，曰宋封

稅院郡馬，曰揀選縣知縣，曰禮部會試，如進山陰道上，目不暇給矣。他如居新界之鄧族間人，已歸道山者，計有文蔚、字豹生、號泉菴，二十三世，(分房十七世祖)居錦田、清康熙乙丑進士、浙江衢州府龍游縣知縣、燕臺教習、加贈儒林郎，著有燕臺新藝，今錦田建一龍游縣尹泉菴公祠，以祀之，彦通、號東臯，十三世，居屏山，仁洽，字盛若，二十世，居龍躍頭，歲貢，樂昌訓導，日烘，字曙融，號寧淡，二十二世，居龍躍頭，廬生，地增修職，修職左郎，自修家譜，毓思，字述仲，號師彭，二十四世，居厦村，廷楨，號桂軒，十七

世，居錦田，明成化辛卯舉人，廣西藤縣知縣，現居錦田之鄧惠堂，號伯裘二氏，亦今之新界名人也。土人云，現駐潮梅各屬之第九師師長鄧龍光亦有來新界展墓者，則鄧師長亦其裔矣。嘗讀史至宋高宗欲幸東南避敵，李綱極言其不可，有曰：「夫南陽光武之所興，有高山峻嶺，可以屯兵，西鄰關陝，可以召將士，東連江淮，可以運穀粟，南通荆湖巴蜀，可以取財貨，北距三都，可以救援，」注若海曰：「一天下者，東南爲尾，中原爲脊，」而錫之形勝如此，今述南陽鄧氏之世系，追懷往昔，不能無感也。(此節已完)